

Muharrem

Prvi mjesec hidžretske godine

Značenje imena



Muharrem izvedenica od pojma "haram" – zabranjeno, a odnosi se na zabranu ratovanja u ovom mjesecu jer je muharrem jedan od četiri sveta mjeseca u kojima je zabranjena oružana borba. Naziva se i Allahovim mjesecom iz počasti, te "zaštićeni (gluhi – nema zveketa oružja) mjesec" iz razloga veličine njegove svetosti.

Sveti mjeseci

Četiri su sveta mjeseca koji se posebno ističu po svetosti i odabranosti, i po Allahovom aređenju poštuju i u njima se ne ratuje, a s ciljem da se zaštitite hadžije – hodočasnici i posjetioci božijeg hrama – Bejtullaha – Ka'be, da nesmetano dođu i obave obred, u miru i sigurnosti.



Šerijatski propisi u svetim mjesecima

Allah Uzvišeni naređuje poštovanje svetosti i isticanje vjerskih simbola i obilježja, te izbjegavanje grijeha i izvršavanje vjerskih obaveza u ovim mjesecima. Grijeh i nepokornost u ovim mjesecima su teži nego u drugim vremenima: "Broj mjeseci u Allaha je dvanaest, prema Allahovoj Knjizi, od dana kada je nebesa i Zemlju stvorio, a četiri su sveta; to je prava vjera. U njima ne grijehite!" (Et-Tevba, 36)

U početku objave je bilo zabranjeno ratovanje u svetim mjesecima, zatim je ta zabrana derogirana (dokinuta) pa su sveti mjeseci tretirani kao i ostali mjeseci godine po pitanju oružane borbe. Na to upućuju riječi Svevišnjega: "U njima ne grijehite! A borite se protiv svih mnogobožaca, kao što se oni svi bore protiv vas; i znajte da je Allah na strani onih koji se Allaha boje i grijeha klone." (Et-Tevba, 36)

Musliman je obavezan po nalogima vjere da u tim mjesecima vodi brigu o svojim poslovima i vjerskim obavezama, pridržavajući se onoga što vjera nalaže i izbjegavajući sve ono što se zabranjuje, poštujući Allahove odredbe i propise.

Važnost i vrijednost mjeseca muharrema

1
To je najvrjedniji mjesec u godini poslije ramazana, iz počasti i veličine njegove svetosti se naziva Allahovim mjesecom. Allahov Poslanik, s.a.v.s., je rekao: "Najbolji mjesec je Allahov mjesec, a to je onaj mjesec kojeg vi nazivate muharrem." (En-Nesai, Es-Sunen El-Kubra, 4202)

2
Post u mjesecu muharremu je najvrjedniji post nakon ramazanskog posta. Allahov Poslanik, s.a.v.s., je rekao: "Najbolji post poslije posta u ramazanu je post u Allahovom mjesecu muharremu." (Muslim, 1163)

3
To je jedan od svetih mjeseci, odnosno najodabraniji među njima.



Zašto je muharrem prvi mjesec u godini?

Kada su se ashabi – drugovi Allahovog Poslanika, s.a.v.s., dogovorili 16. godine po Hidžri, u vrijeme vladavine Omera, r.a., da događaj hidžre uzmu za početnu godinu muslimanskog kalendara, odredili su da mjesec muharrem bude prvi u godini iz više razloga:

1
Allahov Poslanik, s.a.v.s., je u tom mjesecu donio odluku o iseljenju u Medinu nakon susreta sa medinelljama ensarijama na Akabi u sezoni hadždža.

2
Mjesec muharrem je jedan od svetih mjeseci, pa nakon što muslimani okončaju ibadete posta i hadždža u tekućoj godini, i završe ta časna djela u svetom mjesecu, priliči da i narednu godinu počnu sa svetim mjesecom muharremom.

Dan Ašure



Zašto se posti dan Ašure?

Kada je Allahov Poslanik, s.a.v.s., došao u Medinu našao je jevreje kako postede an ašure, pa je pitao: "Koji je to dan kojeg vi postite?" Oni su odgovorili:

To je veličanstven dan; to je dan u kojem je Allah izbavio Musaa i njegov narod, a potopio faraona i njegove sljedbenike. Musa je iz zahvalnosti Allahu postio taj dan, pa ga i mi postimo. Na ovo je Allahov Poslanik, s.a.v.s., kazao "Mi imamo veće pravo na Musaa od vas i on je nama preči nego vama."

Allahov Poslanik, s.a.v.s., je postio taj dan i naredio je muslimanima da u njemu poste. (El-Buhari, 3943 i Muslim, 1130)

I mi postimo na dan Ašure slijedeći praksu našeg Poslanika, s.a.v.s., i zahvaljujući Allahu Uzvišenom na pomoći koju je ukazao Svome vjerovjesniku Musau, a.s.


Ašura je dobila ime po rednom broju deset (ašere) na koji pada u mjesecu muharremu.

Vrijednost posta na dan Ašure

Post u tome danu briše grijeha cijele protekle godine, Allahov Poslanik, s.a.v.s., u vezi toga je rekao :

"Nadam se kod Allaha da će (post ovoga dana) izbrisati grijeha protekle godine." (Muslim, 1162)

Navodi se da je ovo najvrjedniji post poslije obaveznog posta, a Ibn Abbas, r.a., u tom kontekstu navodi: "Nisam vidio da Allahov Poslanik, s.a.v.s., daje veći značaj postu nekog dana, nakon obaveznog posta, kao što daje značaj ovome danu – misleći na dan Ašure." (El-Buhari, 2006 i Muslim, 1162)



Način posta dana Ašure

Poređenje posta na dan Arefata sa postom na dan Ašure

Oprost za grijeha u narednoj godini=354 dana h.g.	9 Arefat	Oprost za grijeha u prošloj godini=354 dana h.g.
Oprost za grijeha u narednoj godini=354 dana h.g.	10 Ašura	Oprost za grijeha u prošloj godini=354 dana h.g.

12 11 10 9 8 Da se posti samo deseti dan muharrema	12 11 10 9 8 Da se posti deveti, deseti i jedanaesti dan muharrema	12 11 10 9 8 Da se posti deseti i jedanaesti dan muharrema	12 11 10 9 8 Da se posti deveti deseti dan mjeseca muharrema i ovo je najbolji način.
zbog općenitosti hadiskog teksta o vrijednosti dana Ašure.	zbog predanja Ibn Abbasa u kojem stoji veznik „i“, umjesto „ili“, pa hadis glasi: „Postite dan prije i dan poslije.“ (El-Bejhaki, Es-Sunen El-Kubra, 8406)	Allahov Poslanik, s.a.v.s., je rekao: "Razlikujte se od jevreja, postite dan prije ili dan poslije." (Ahmed, 2154 i Ibn Huzejme, 2095)	Tako je postio Allahov Poslanik, s.a.v.s., i u vezi toga je rekao: „Ako doživim i sljedeću godinu postit ću i deveti dan.“ (Muslim, 1134), tj. zajedno sa desetim danom muharrema.

Ašura i nemili događaj ubistva Husejna, r.a.

Na dan ašure 61. godine po Hidžri (680 godine po Isau, a.s.) ubijen je u nemilom događaju Husejn sin Alije ibn Ebi Taliba, prvak mladića džennetskih, unuk Allahovog Poslanika, s.a.v.s., sin Fatime Ez-Zehra, jedan od najuglednijih ashaba i učenjaka među njima. S njim su pogubljeni i brojni članovi Ehli bejta – Poslanikove porodice, s.a.v.s., i djeca Husejnova. To je velika nedaća koja je zadesila islamski ummet, baš kao i one druge veće nedaće kada je ubijen Omer, Osman i Alija, r.a., a iznad svega toga nedaća i iskušenje kada je umro Allahov poslanik Muhammed, s.a.v.s. Niko od njegovih sljedbenika i onih koji su ga iskreno voljeli nije uzео taj dan za godišnje obilježavanje i proglašavanje tog dana za dan tuge i plača. A šta onda kazati i kako se odnositi prema onima koji se na taj dan udaraju, samokažnjavaju, nariču i jadikuju? Kao da nam je nepoznanica da je naričanje i samokažnjavanje zbog nečije smrti jedan od velikih grijeha?